

# ARUBA ANSE COURANT



Diario



pa Aruba

DRINK ALWAYS  
**ORANGE CRUSH**  
from  
**Tropical Bottling Co.**  
call: 1773

Instala aireacondi-  
cionado na Bo  
cas AWOR!



tel. 2170

ANJA 21

DIAMARS 9 DI FEBRUARI 1960

No. 3657

## Hulanda ta meti den conflicto local na Corsou via e medida real

Den Haag 8 febr. — 'Het Vrije Volk' a scribi den un editorial titula: 'Un standbeeld susha', lo siguiente: No ta necesario a observa e sushamento di un standbeeld na Willemstad cu mucho seriedad, pa mira toch cu un poco di preocupacion, con Hulanda a hanja su mes den e conflicto puramente local na e isla Corsou, via e medida real.

E „guerra“ den Eilandsraad di Corsou ta dura desde hopi luna pasa y tabata un caso masha grave pa Antillas. Ta algo importante ora cu e isla mas importante, na unda mas cu mitar dje habitantenan ta biba y maoria parti dje economia dje islanan a concentra, bira practicamente inirrigible.

Però esey no kier meen cu e asunto bira un caso pa Reinado, naturalmente cu no. Si Antillas tabata por olucionar e problema e mes, lo el a haci esey. Ta solamente cu e no taba

ta por haci e mes, pasobra ainda e staatsregeling di Antillas no a worde adapta na e autonomia completo na tur punto, pa motibu di contrariedadnan entre otro. Esaki ta e caso, den asuntunan cu toca independencia dje islanan, manera por ehempel e caso actual.

E caso ta en realidad, cu Hulanda ta hanja su mes den un caso puramente local via e gobierno di Reinado, pasobra Antillas mes su asuntunan no ta na orden. Naturalmente gobierno antillano mes mester subi

cuanto el a perhudica su mes den e asunto.

Sin embargo ta desagradable pa Hulanda ta inclui na e manera aki den un caso, mientras cu ta dudable cu gobierno antillano tin razon; Bestuurscollege ta worde anula, e raad ta keda traha, aunque cu e dificultadnan a tumar lugá den Eilandsraad y no den Bestuurscollege.

Gobierno di Willemstad a tumá parti pa e mayoria den Eilandsraad pa motibunan politico. Nos ta bisa un biaha mas: Nan mester sa, Pero nan a inclui Hulanda y Surinam den un caso cu no por ta nan caso. Tur e medionan na tene discusionnan razonable cu Eilandsraad, no a worde usa ainda. Mester a socede mas riba terreno, prome cu nan a pidi asistencia di Reinado y Hulanda mester a nenga

di mete den e asuntunan antillano pa mas tempo.  
Ta di spera, cu e asunto aki lo no perhudica Reinado un poco mas. Pasobra e heeld aki tambe a worde susha un poco.

### JIU MUHER DI CHARLIE SMITH DEN GRUPO BALLET AMERICANO

ORANJESTAD — Segun nos a lesa den Pan-Arubaan Pamela Smith, jiu di senyor Charlie Smith, antes den directiva di Lago, a worde admiti na e grupo Ballet Theater na Estados Unidos.

„Pam“, kende na Aruba eba diferente bes a participa den presentacionnan di ballet, a firma un contract pa un anja cu e grupo di ballet ariba menciona cua ta un dje gruponan di mas gaha y di mas popular na Merea.

E luna aki e repeticionnan ta principio y cu lo dura ocho siman largu. Despues naq-1-1, duna presentacionnan durante tres siman den Metropolitan Opera, pa despues hasi un gira di seis siman na Europa y Rusia.

E Ballet Theater aki ta e prome grupo di ballet mericano cu lo presenta na Rusia.

Pamela Smith a worde selecta for di un grupo di mas di 200 candidatas.

### PLACA PA JONCUMAN ARUBANO

WILLEMSTAD — Tin biaha amor ta pone hende hasi cos extraño, y manera un respectable tata di familia por a experienta algun dia pasa, su pasa casonan cu ta menos agradable tambe. E la entrega cinco mil florin na su jiu muher pa warda pe, y ora cu e ta pidi e placa ta resulta cu esaki no tin e placa mas. Despues di hopi investigacion porfin e gahinja a bira declara na polisnan cu e la manda e 5 mil hubu pa su joneuman na Aruba.

Awor polisnan lo trata pa mira k'ko nan por salba dje placa ei. Mientras tanto e amigu na Aruba lo a hiba un bida manera un Lord.

LOOK UNDER THE CROWN



Pepsi-Cola

Bottled by: VICTORIA BOTTLING CO.  
Under Appointment by PEPSI COLA COMPANY, N.Y.

## ARUBA DEN ESFERA DI CARNAVAL Lago Heights Club ta buscando candidatas pa Reina di Carnaval envano

ORANJESTAD — Poco poco henter Aruba ta cai den e esfera di carnaval y — mira con extraño — cu e anja aki ta reina mas animacion cu nunca, apesar dje principio cu ta bata muestra un poco desanima. Directiva di clubnan ta hasiendo tur nan posibel pa ofrece un fiesta di carnaval na nan miembronan e anja aki cu no tin igual den historia di Aruba: diferente senjoritanan cu a pone nan mes como candidatas, ta bende nan lotnan y e joncumannan cu dia 13 dje luna aki ta bai competi pa e titulo di Prins Carnaval activamente ta buscando chistenan gracioso.

Mescos cu anja pasa e firma Mario S. Arends e anja aki tambe a percura pa un sorpresa anunciando e prome candidata pa e gran eleccion den Wilhelmina Stadion dia 26 dje luna aki. Ta srta. Clara Arredondo, cu ta biba den Bilderijkstraat, kende tin e honor e anja aki di a worde elhi como Miss VICEROY y como tal lo competi durante e gran eleccion pa e titulo di Reina di Carnaval pa 1960 den Stadion. Miss Viceroy di anja pasa tabata Alicia Dijkhoff, kende a captura e titulo tantu desea.

21 y 27 di february, cu musica variable di econjunto „Les Caéiques“ y Lirico de Moda“. No menos cu e neu senjorita ta competi pa e titulo di Reina di Carnaval di e Club di Trappers: nan nomber ta Marina Tromp, Johanna Wemmet, Annie Dirksz, Cecilia Maduro y Julieta Croes. Nes ta desea e Trappers y Trappers hopi exito!

### Lago Heights Club

Lastma cu na San Nicolas ainda e no ta lora manera mester ta. Club Surinam e anja aki tempoco lo participa den e carnaval, y Lago Heights eual te cu awor nunca a falla riba lista di presentacion, gustosamente kier hasi algu, pero no a logra hanya candidatas pa Reina Carnaval. Directiva a hasi hopi esfuerzo, pero sin resultado. Esnan cu nan a logra hanya taha-ria of mayornan cu ta contra of joncumannan cu no ta duna permit, di manera cu tur hea intencionnan dje

### Club di Trappers

Nes a cumenza ta preocupa eba pa motibu cu nos no tabata tende nada di Trappers club, cual semper sa ta prome den e fila celebrando Carnaval. Avera a resulta cu no tabatin necesidad di a preocupa, un miembro directiva di e club social activo aki di Santa Cruz a pone nos na altura di nan planan: tin fiesta dia 6, dia 13,

REPRESENTANDO: MISS VICEROY 1960!



Diasabra den compania di senjores Lorenzo y Walter Arends, kende tur anja ta organisa e grandioso actividadnan di Miss Viceroy pa e firma Marios S. Arends, nos a hasi un bishita na srta. Clara Arredondo, kende a worde elhi e anja aki pa bira miss Viceroy den carnaval na Aruba. Clara tin 18 anja, e ta biba den Bilderijkstraat 12 na Oranjestad y ta jiu di sra. Mercedes Arredondo y senyor Osvaldo B. Arredondo, un ciudadano aprecia den nos comunidad na Oranjestad y specialmente den circulo di Sociedad Bolivariana.

Nos a saca e fotografia aki na cas di e Miss Viceroy nobo. Indudablemente nos lo topa cu ne mas biaha den nos columnanan den simannan venidero! E todo caso Miss Viceroy ta e prome participante den e competicion pa dia 26 den Wilhelminastadion, cu a worde publica.

## Caribair tambe ta pensa di habri linea 'riba Aruba

(Di nos corr. na W'Stad)

WILLEMSTAD: — President-director di Caribbean Atlantic Airlines mr. Dionisio Trigo di Puerto Rico fin di siman pasa a tene un conferencia cu e ministro-president antillano tocante e posibilidad di extende e vuelonan diario cu su compania ta hasi saliendo di Puerto Rico via Virgin Islands pa St. Maarten y Guadeloupe.

Tambe senyor Trigo a trece e posibilidad padilanti cu den futuro tambe nan ta pensa di habri un vuelo pa Aruba di Puerto Rico via St. Maarten y Guadeloupe.

E ultimo vuelo aki ta den futuro ainda — pero refiriendo na Guadeloupe nan ta spera — asina cu na Washington nan a hanya e permitnan — pa cumenza cu e vuelonan denter di cinco of seis siman.

Caribbean Atlantic Airlines ta usa DC-3 pa motibu cu e islanan cu nan tin riba nan trayecto mayormente tin vliegvelde na avionnan dje tamanjo aki. Cu excepcion di e Guadeloupe Frances cual tin un excelente aerodromo riba cual avionnan di tiponan mas grandi por aterriza tambe.

Segun Sr. Trigo t ainforma, e can-

tidat di pasaheronan den ultimo anja di Puerto Rico pa St. Maarten a aumenta dos bes te na 3.000. Durante 1958 nan a start cu e vuelonan pa e isla aki. Mas parti ta turistanan mericano principalmente ta hasi uso di „Caribair“.

Pa hopi leuw den futuro nan tin e plannan pa asina cu Aruba ta inclui den e trayecto di Guadeloupe via Venezuela pa Aruba, pa sigui di ei pa Barranquilla y Jamaica. Pero esaki ta kestion di anjanan ainda.

Por lo pronto nan tin bisa riba Guadeloupe prome, di cual punto nan lo sigui trata pa hanya Aruba tambe den e linea. Pa Corsow si lastimamente casi no tin interes.

### Bishita

Mr. Dionisio Trigo kende durante su bishita na e ministro-presidente a agrega un roundtrip tabata acompaña pa su esposa y jiu muher, mr. John Schultz y esposa (luchthavenmeester na St. Croix V.I.) Webster Pullen (president di National City Bank of New York na Puerto Rico) y e gobernador di St. Maarten, senyor J. Beaujon.

## Cartanan di amenaza dirigi na politiconan di Aruba

Sistema robes di atende e asunto

ORANJESTAD — Ultimo dianan diferente personanan specialmente den circulo di PPA, pero tambe fuera di esaki, a ricibi cartanan di amenaza, cua tabata firma pa „N.D.C.“ (Noting Doing Corporation) y Tatanan sin Trabao; evidentemente anto di e hendenan sin empleo. E personanan aki, miembronan di Bestuurscollege, miembronan di eilandsraad y di Staten y tur cu ta sostiene e gobierno actual di Aruba na un of otro manera ta worde conseha pa termina nan relacionnan cu e gobierno di territorio insular prome cu fin di Maart proximo, of di otro manera nan bida ta corre peligr. Contenido dje escrito ta lo siguiente:

Motivo di es carta aki ta pa nos avisa bosonan cu ta sostiene e gobierno aki pa baha na awa na tempo, pasobra awa a pasa hahinja i nos ta cumenza actua. Nos ta duna bosonan un chens pa bandona gobierno te na fin di Maart, sino bosonan i bosonan famitanan lo sufrir e consecuencia fatal. Nos no ta haci nada na scondi, si nos mester bula bosonan na caja nos lo haci esey na publico, si nos mester bula bosonan den bosonan cas hunto cu bosonan famiasnan, nos lo haci esey tambe. Si bosonan no tin duele di nos, anto nos tampoco por tin duele di bosonan, Nos jioenan ta muri hamber, no tin trabao, e gobierno ta halza nos belasting i bosonan ta juda zink nos. Nos mester bai horta of mata manera cos ta bai awor aki, i nos lo cumenza cu bosonan. Nos ta suplica bosonan scapa nos di lo peor, scapa Aruba for di miseria sea hombernan i mira bosonan falta. Corda cu nos a avisa bosonan na tempo. Nos tin 60 handgranaat, 80 revolver aki na Aruba, i nos lo usa eseynan pa

bosonan. Nos no tin miedo di bai cera, pasobra nos tormento i sufrimientonan ta mucho pisa, pero haciendo loke nos tin den nos cabez aki, anto pronto tur e bagamunderianan aki lo termina. Si bosonan ta kere cu ta echanza anto sigi mantene e gobierno, ladron, desgraciado aki. Esaki ta tur, cos. Awor libertad di Aruba for di es Gobierno aki ta keda den bosonan man. Si bosonan no ta libera nos, anto nos lo mata bosonan mescos cachor sin temor ninguno. Nos kier mira un cambio mashar pronto, i tambe un votacion nobo prome cu luna di Juli. Mas nada. Nos ta agrupa awor aki di 80 hombernan cu no tin miedo di muri, dispuesto pa salha Aruba for di garasnan di es desgraciadonan aki.

N. D. C.  
Tatanan sin trabao

NOTA DI REDACCION: E manera cu e hendenan sin empleo a defende nan caso anteriormente, esta cu un demostracion bon organisa, nos por a respecta y nos ta opina semper cu e hendenan sin trabou cu e demostracion ei a alcanza hopi di nan intencion: den circulo grandi nan a hala atencion di nan situacion miserable y tur hende mes ora a sinti simpatia pa nan di e manera cu nan a presenta pa nan interesnan.

E metodo di e cartanan di amenaza sin embargo, segun nos opinion ta completamente robes y si e „Tatanan sin Trabao“ continua na e manera aki, anto sin duda pronto nan lo perde tur e goodwill y simpatia, cu tur hende tin pa nan actualmente.

No trata pa alcanza e intencionnan a la esfuerzo: esel te cu awor nunca a duna bon resultado. Keda factico den actualionnan y duna gobierno tempo pa comproba cu por cierto nan tin e mihor intencionnan pa cu e „tatanan sin trabao.“

Remember your sweetheart on the most romantic day of the year

Valentine Gifts

SPRITZER \* FUHRMANN

CURACAO ARUBA



ORANJESTAD, 3 febr. — Dialuna atardi pa mas o menos 4'or y mei nan tabata bringa den Viceroy Bar. Ora cu polisnan a yega ya e pelca a stop, y como J.S.J. claramente tabata un dje bringadornan y a comportele molesto contra e polisnan, nan a hibebe warda na unda e la keda deteni.

### Adios bicicleta

G.C.P. a informa polisnan cu nan a horta su bicicleta, color pretu marca „Hercules“ cu tabatin un balor di fl.

75.— Dia prome di febr. e la pone e bicicleta cantu di Comissary di Lago, y ora cu e la bolbe pe, e no a hanjel mas

FATUM — Tel.: 1845  
Pa tur bo asegurado

### Candela chikitu

Un mucha di school a pega un candela den vecindario di Zeewijk. Brandweer a paga esaki pe.

### Choke

Den Fergusonstraat e pickup A-1302 y e auto D-15, resp. cu e chofernan R. N.D. y W.v/d V a forma un choke. E danjo total ta worde valua pa un mil floros

### Maltrato

J.B.R.S. a keha na polisnan di maltrato, causa pa R.T. Polisnan a detene T. y despues di a interrogele a mandele pa cas.

### Ladronia

Den e lugar di senyor Van Gijn na Lago Heights nan a drenta anochi. Segun polisnan ta informa e maldado(nan) a hiba un suma di placa basta regular.


### Candela

Un parcela situa den Ceintuurbaan (no. 2) a pega na candela diamars, despues cu e ama di cas a sali un rato. Parce cu un jiu cu a keda cas a bai busca manera di cende un stoof di keroseen, cual pues a cende bon di mas. Un bondel di panja banda dje stoof a pega candela. Ora cu brandspuit a yega ya habitantenan di ci banda a benta e stoof riba caya caba y a paga e candela.

### Hanya y perde

Ivan Mingo di Weg Fontein 16 a perde dos pida biljechi no. 23732.  
A. A. Brown cu ta biba na Zeewijk 89 a hanja dos pida biljechi riba terreno di Lago  
Senyor Oscar Marugg a hanya un sombechi.

Dennis, de schrik van de buurt!



„Ik ga de kleurentelevisie van onze nieuwe burenen zien, mams.”

„Si, mi ta bai mira e television di color di e bijnanan, Mami.”

Departement van Onderwijs Examens L.O.

De Inspecteur van het Onderwijs brengt ter kennis, dat zij, die in het jaar 1960 examens wensen al te leggen ter verkrijging van een L.O. akte van bekwaamheid tot het geven van onderwijs, zich daartoe schriftelijk kunnen opgeven bij het Departement van Onderwijs vóór 7 maart a.s.

Bij de aanmelding dient overgelegd te worden een uittreksel uit het geboortenregister of bewijs van inschrijving in het Bevolkingsregister. Het examengeld, hetwelk vanaf 1 april a.s. ten kantore van de Landsontvanger kan worden voldaan, bedraagt:

- f. 40.— voor elk van de examens voor de akten van bekwaamheid in de Spaanse taal, de Hoogduitse taal, de wiskunde en de handenarbeid;
f. 35.— voor het afleggen in één en hetzelfde jaar van het examen voor de akte van bekwaamheid als onderwijzer en de examens voor de akten van bekwaamheid in de lichamelijke oefening en de handwerken voor meisjes;
f. 30.— voor het afleggen in één en hetzelfde jaar van het examen voor de akte van bekwaamheid als onderwijzer en één der examens voor de akten van bekwaamheid in de lichamelijke oefening en de handwerken voor meisjes;
f. 20.— voor elk der gedeelten A en B van het examen voor de akte van bekwaamheid als hoofdonderwijzer, het examen voor de akte van bekwaamheid als onderwijzer, het examen voor de akte van bekwaamheid als onderwijzeres bij het voorbereidend onderwijs, voor elk der examens voor de akten van bekwaamheid in de lichamelijke oefening, de handwerken voor meisjes en het handtekenen.

N.B. Bij aangifte voor het A-gedeelte van het examen voor de akte van bekwaamheid als hoofdonderwijzer, dient de akte van bekwaamheid als onderwijzer te worden overgelegd.

Eenmaal betaalde examengelden worden niet teruggegeven (art. 243 lid 5 van het Onderwijsbesluit 1935 (P.B. 1935 no. 49) zoals gewijzigd en aangevuld).



Kende lo laga di tin problema? Tur dia nos ta experimeta esaki: hobennan riba terreno di amor, school deporte y na cas cu nan mayornan, mayornan cu educacion di nan jiu nan, relacion entre exposo cu nan enjora, quehaceres di nan nias, relacion cu bisinia y familia.

Como Rosemary sabi cuanto problema ta molestia un of otro persona, e la pone su mes na disposicion pa tur dianan e dina conseho gratis riba e diferente problemanan cu bo or confiele den nos corant. Man... a bo carta pa „Arubaanse Courant“ Nasserstraat 35 y scribi den un hoek di e envelope bon cla „Correo Confidencial“. Si en caso bo problema no pa ponele y pa ser contesta den nos corant, auto ho por ja usina bon di intenciu den e envelope otro enveta concerni algo mucho, personal d loppe cu bo adres riba dje y stampia y; e ora bo ta hanja un contesta personalmente.

Rosemary ta dispuesto na yudabo!

Apreciable Rosemarie Ja cu mi a mira con tur siman Rosemarie ta yuda esnan cu tin un of otro problema, mi tambe ta bini e siman aki pa pidi Rosemarie un conseho i un solucion pa mi dificultad.

Mi ta un mucha muher di Aruba i mi tin 25 aña. Mi tabatin un mucha humber cu mi tabata stima manera preto di mi wowo. E tabata masha bon tipo, Rosemarie, i tambe masha decente. Tur semper e tabata bisa mi e tabata stima mi hopi. Wel mi a kere su palabra i nunca mi no a duda den su sinceridad. Despues cu e tabata bin mi cas mas di dos anja auto mi a pintrele ki idea e tin pa nos compromete. El a bisa mi cu si, ta bon, pero cu e no kier compromete i spera hopi pa casa. Pesey e kier compromete i casa cu mi den termino di 6 luna.

Como cu mi ta costurera, mi a spair tur loke mi por den e tempo ey i despues cu atrobe algun luna a pasa i e mucha humber no ta bisami nada mas, mi tampoco no kier bolbe papia ey riba cunelo. Anto mi a pidi un amiguita intimo di mi pa puntra mi mucha humber ki dia nos ta compromete. Despues e amiga a bisa mi cu el a contesta pronto, pero e no sa ki fecha ainda.

Rosemarie, mi no por a sospecha nada pero for di prome cu esey ya eba e tabatin amoros cu e amiga ey. Mientras cu e amiga tabata haci cos asina falso tras di mi lomba i toch e tabata bin mi cas i pretende di ta mi bon amiga. Mi por yora di rabia ora mi corda con e amiga i e mucha humber lo a tene bofon di mi i hari mi, sin cu mi por a sospecha nada entre nan. Awor Rosemarie un tanta di mi a spierta mi cu el a mira e amiga i e mucha humber hunto na cine, hunto den caya i tambe hunto den auto di un otro amigo di mi mucha humber.

Ora cu mi a papia cu mi mucha humber el a laga mi sa, cu e no por yuda pero cu su curazon a cai pa mi amiga, asina cu e ta kibra cu mi pa nan por compromete pronto. E amiga no ta bin mi cas mas, i ora e mira mi e ta bira su cara.

Rosemarie, ta manera cu mi curazon a kibra. Asina triste mi ta sinti

mi. Mi no por come, ni drumi anochi Blo awa na mi wowo tur ora. Bisa mi con mi haci. Rosemarie, pasobra e sufimento aki ta masha duro. I awor mi a tende di afor cu aki poco tempo nan lo compromete. Duna mi un solucion, Rosemarie. Masha danki di antemano. Affligida.

Affligida, Mi amiga,

Falsedad entre muglas ta un falsedad doble! Pero lastima cu hopi vez hende ta contra cu esey den hida. Ta ne cos mi por scribi bo, mi amiga: no mustra ningen hende cuanto bo ta suñri, trata di libula loke a pasa i tene confianza cu Dios lo duna bo lumbe felicidad.

Otro cos bo no por haci pasobra pa mi bisa bo cla, mi ta kere cu tur semper ta ABO a stima e mucha humber mas tanto cu el a stima bo. Pakto tur e tempu cu e conoce bo i e tabata bin bo cas e no a papia nada serio di compromiso a di matrimonio? Te en alafin ta abo mester a pintrele esey. Talvez cu e tabatin carino pa bo, pero no amor pa casa cu bo. Si ta asina, auto bo mester ta contento mes cu e asunto a termina. Un matrimonio sin amor di dos lambla, ta un desgracia pa bo. No kibra bo cas mas cu e amiguita ey e masha humber. Evita e i trata poco-poco di forma un bida nobo. Na p'cedu lo ta difisil, pero lo bo mester cu despues lo bo haya brio i forza. Un mucha muher cu bon curazon, i bon sintimentu manera bo, lo haya su felicidad sigur.

Rosemarie.

Aruba den esfera di carnaval

Continuacion di pag. 1 Directiva ta keda en vicio. Y sin nan Reina di Carnaval Lago Heights Club na ta havi oigues fiesta. E plan pa munda nan Reina di nan Club dia 13 di februari cu Bonfire Club dia cu nan ta elibi e Prins di Carnaval pa es motibu aki ta keda cancela tambe.

Sin embargo un die interbronan di directiva a s'obra nos, cu asina cu nan hanja un candidato adecuado pa ser Reina di carnaval di nan club, tin hopi chens, cu e planan original di fiesta lo cuuluna trobe. Na ta immorta, asina el a bisa nos, di eja skina di Aruba e ta: conal cu e ta aceptable pa comiston y ta simpatica suficiente pa por ta e center di celebracion di carnaval den Lago Heights Club. Damnan di Aruba: palabrita na boso awor. Acudi serca senyor Edeur, telefon Lago (9) 3496.

Dos tiende klas den carnaval.

E tiende klasnan di Maria College y di St. Dominicus College a disidi di celebra Carnaval e aña aki tambe. E fiesta di nan lo tuma lugar dia 20 di februari anochi di 7'or te 12'or na cas di Blanca Figal den Argentinstraat na Oranjestad. Probablemente e baile lo ta un baile di desfray. Den organizacion dje fiesta aki di Maria College ta Irene Marchena, Filomena Swaen, Angelica Trepn y Blanca Figal, di St. Dominicus College ta Mauricio Estrada, Jose Lausagne, Eric Escalona y Eddy Toppenberg.

Club Tivoli

„E club cu a introduci Carnaval na Aruba“ (Tivoli) pa motibu di luto ta hanjele obliga di celebra un carnaval keto. Cu morto di senyor Eric Arends, dektor Eloy Arends y algun dia pasa senjoria di senyor Brenehi Arends, e nujoria dje miemhronan di Tivoli Club ta na luto.

Pa tal motibu e comite dje club a hanjele obliga di cancela e fiestanan di dia 6, di 13 y di 20 di februari, respectivamente, labour night, schrikkeljaarbal y e baile di desfray. Te ainda nan tin intencion di elibi un reina di carnaval di nan club, y segun nos ta comprende ey e lo participa den e eleccion di dia 26 den Stadion tambe. Maske ta asina, pasobra la berdad cu Tivoli no por ta ausente completamente durante Carnaval.



Zuster Anacleto ta pose cu dos dje patientnan den e departamento di mucha, cual a worde bendiciona ayera. Zuster Anacleto ta hoofdzuster dje departamento aki di San Pedro Hospital.

Ayera Obispo a bendiciona departamento di muchanan di San Pedro Hospital

ORANJESTAD — Tabatin masha interes ayera mainta na ocasion di Bendicionamiento di e departamento pa muchanan den San Pedro Hospital, cu a bira tantu bonita, moderno y fresco, y cu a ser construi pa e contratistanan Ortiz & Gonzalez segun planonnan di e arquitecto G. O. Vetter di Corsow. E departamento aki pa e hospital ta nifica un adquisicion di hopi importancia y cu esaki a ser alcanza un paso mas acerca e ideal: un San Pedro Hospital moderno, cu ta adapta na e demandanan di awendia pa asistencia na e enfermonan.

Diferente autoridadnan distingui tabata presente. Nos a mira ademais di Su Exc. Mgr. J. Holleman, gezaghebber F. J. C. Beujson, e deputadonan O. S. Henriquez, E. O. Petronia y F. Wezniet, s'landsssecretaris L. C. M. Kerstens, hefe di Gezondheidsdienst dektor O. A. Bijl, y e hefe di DOW senyor N. Schuit; moeder overste Michael (i e soeurnan di hospital, moeder overste di Santa Cruz, e priorin y moeder-vicaria di e soeurnan Dominicana, frere visiteur Vincentius y frere Antoon, kende na nomber di Obispo tabatin control riba e trabanon cu a worde hasi den e seccion aki; tambe tabata presente senjores W. A. Murray y F. C. Donovan di directiva di Lago y dr. R. C. Carrell, hefe di Hospital di Lago y senyor Bert Heagle, hefe li Public Relations di Lago; pastoor J. Burgameester y dokter J. van Ogtrop

di e directiva di San Pedro Hospital, senyor Dominico Bermudez na nomber di Ortiz & Gonzalez y diferente otro hende mas.


Despues di algun palabra di introduccion di pater Rector, Spekle di hospital, e Obispo a bendiciona e lugar cual den superficie no ta asina grandi, pero cu ta di masha importancia den e parti nobo di e hospital. Despues pater-rector a tene un discurso simpatico y cu tabata e unico di es mainta ei. Pater Spekle a dirigi palabranan di gratitud na jur e persocranan y institucionnan cu a duna nan cooperacion di manera cu e paviljoen aki a hira un realidad, y e ta splica con ta hopi tempo caba cu tabatin masha necesidad pa un departamento manera esaki den e hospital.

CONDADO TA INTERESA DEN HOTEL NA SURNAM

ORANJESTAD. — Directiva di e grupo cu na Surnam ta bai traha e „Torica-hotel“, recientemente a tene un conferencia cu senyor Al Rubens, vice-president di Condado Caribbean Hotel Corporation, cu na Aruba tambe ta explota e Aruba Caribbean Hotel. Ta parse cu e grupo di Condado tin hopi interes pa explota e hotel di turismo na Paramaribo, cual den dianan aki lo ricibi e diferente ofertanan pa e construcion.

DIRECTIVA NOBO PA ARUBA SOFTBALL BOND

ORANJESTAD — Durante un reunion dia 4 di februari u.p. a worde disidi pa reparti e puestonan den directiva di Aruba Softball Bond manera ta sigui: President G. V. (Boy) Eman, vice-president Domingo Ridderstap, prome secretario Feki Caster, 2do secretario Freddy Tjje-A-Loy, prome tesorerario Cristobal Dirksz, 2do tesorerario Hubert Tromp y comisario Horacio Oduber.



SERVING ARUBA FAITHFULLY AND UNINTERRUPTEDLY FOR MORE THAN THIRTY YEARS WITH A CENTURY OF EXPERIENCE TO BACK IT UP.

Fast and regular freight services with modern vessels with limited passenger accommodations: WEEKLY, from Europe & U.S. Atlantic Ports; FORTNIGHTLY, from U.S. Gulf Ports; FOUR WEEKLY, to and from Europe and Caribbean Isles by the fast and modern liners...

Table with columns: Day, Vessel, From, To. Lists shipping schedules for various vessels like MABELLA, AGAMIENON, ISIS, PR. DER NEDERL., MEMNON, TELAMON.

Call: 1777 (three lines) - Oranjestad 5296 or 5496 - San Nicolas



Fred Fischer a saca e excelente fotografia aki na Corsow di senyor Maurice Neme den accion riba waterski.

RECORD DI RICHARDSON MEHORA DEN PARTIDO DIADUMINGO PASA (Di nos sportreporter)

E relato "NO HIT NO RUN DI RICHARDSON TA BOLBE PONE HILTON DI LIDER" pa notibu di espacio den nos edicion di ayera mester a keda na mitar...

leftfield conecta door di Francisco Maduro. Wrigley's ta contesta pa di promer biha den cierre di e segundo inning...

E score final di e encuentro a bira 10 pa 0. Pitcher ganador tabata Pedro Richardson, kende no a permiti hit...

E tercer inning ta tree pa Wrigley's so un carrera. Ismael Angela ta embasa pa error y te hasta ja logra yega segunda...

Pa Hilton esaki ta nan sexta victoria sigi loke ta bolbe pone nan den promer puesto pero den compania di e fuerte muchanan di Cocomali...

E ultimo tres inningnan ta tree seis carrera mas pa Viana, cualnan a word a nota dos den cada un di nan...

Viano a bati hopi pa nan gana Wrigley's

E segundo partido a bai entre e novena di Viana y esun di Wrigley's...

E muchanan di San Nicolas a tuma un ventaha basta comodo dea e promer inning mes caba. Cuatro biha nan a logra cruza home contra di pitcher Belico Dubero...

Cu un carrera mas den e segundo inning Viana's ta aumenta su ventaha ta na 5-0. Tabata un homerun den...

pa leftfield caminda error ta worde cometi y asina Gumb's ta anota Richardson poco despues ta anota ariba error di e shortstop cometi cu un batata di Peters...

Den e quinto inning Wever ta habri cu fuerte linea di hit. Haynes ta fly out pa leftfield, pero e tiro di e hardinero pa den cuadro ta seapa e primerabase y asina Wever ta bai segunda...

E tres pitcherman di Wrigley's, esta Dubero, Angela y Maduro a ricibi respectivamente cuatro, shete y un hit...

Posicion di e equiponan despues di e dos partidonan di ayera ta lo siguiente: Club W/R W/G W/P W/A Cocomali 6 6 0 0 Hilton 6 6 0 0 O So Grape 6 5 1 1 Adams Chielets 6 5 1 1 Lions 5 2 3 3 1/2 Viana 5 2 3 3 1/2 Arrow 6 1 5 5 U. S. Keds 6 1 5 5 Friesche Vlag 4 0 4 5 Wrigley's 6 0 6 6

E cincinan di fama den bateo.

Den bateo individual e cincinan cu ta ocupando e puestoan di mas halto ta:

Table with 2 columns: Name and Average. Includes A. A. Angela (Cocomali) 734, E. J. Vrolijk (Ad. Chielets) 647, G. I. Zievinger (O So Grape) 530, E. R. Oubler (Ad. Chielets) 474, A. R. Jones (Cocomali) 471.

Carrera empuha

Des e d-partamento di carrera empuha nos ta hanja e siguiente:

Table with 2 columns: Name and Carr. emp. Includes E. J. Vrolijk (Ad. Chiel) 10, A. A. Angela (Cocomali) 9, J. C. Tromp (U. S. Keds) 8, G. I. Zievinger (O So Grape) 6, R. E. Croes (Lions) 6.

Pitcheo:

Table with 2 columns: Name and W/P W/P. Includes Pedro Richardson (Hilton) 6 0, L. H. Briezen (Cocomali) 3 0, L. Fowler (Lions) 2 0, V. Albus (O So Grape) 4 1.

Cumpleanjos



E gentil caballero Pío Cincé Leest ta cumpli 27 aña di feliz existencia y ta ricibi felicitacion di su estimada esposa Aura Leest...

Awe ta di fiesta e chikito Alejandro Roberto Heldey y ta ricibi felicitacion di su mama Victoria...

Senjora Emilia Lae le ta cumpli anja y ta ricibi felicitacion di su estimado esposo Leandro...

Awe ta cumpli anja e hobenito Frida Maduro y ta ricibi felicitacion di su tata...

Senjor Roman y senjora Petra Itrausquin ta cumpli 32 anja casa y ta ricibi felicitacion di su junan Hipolito...

A cumpli 10 anja e hobenito Romualdo Maria y ta ricibi felicitacion di su mama Leoncila...

Ta celebra su feliz cumpleanjos den union di su distinguida familia: Sra. Estela Farro y ta ricibi felicitacion di su esposo Dado...

OFICINA MARITIMA DE ARUBA Tel. 1622

Transporte di mercancia y tambe pa mudanza

"EL MOMENTO" obtenible na UNION STORE Mainstreet - San Nicolas

TA BENDE

- 1 nevera "Frigitaire" fl. 200.— 1 radio fl. 100.— 1 set di sala fl. 125.— 1 stool cu su mesa fl. 50.— 1 stool comodo ("rookstoel") fl. 35.— 1 set di camber fl. 350.— 1 wasmachine fl. 125.— 1 cashi chikito fl. 10.— y diferente otro articulo.

H. RAMIP Spanas Lagoen 29, Batavii.

Agenda

ARUBAANSE COURANT diariamente cu excepcion di diadomingo. Edita pa N.V. ARUBAANSE DRUKKERIJ EN UITGEVERI...

CINE

Diamars 9 di februari DE VEER 8:30 "Maanhuut" - 13 j. PRINCIPAL 8:00 "El Encarnado" - 14 j. AURORA 7:30 "I was a teenage Frankenstein" - 13 j. SAVANNAH 7:30 "Fort Massacre" - a.l.

BOTANICAN DI WARDA

Oranjestad: BOTICA OUBLER tel. 1780 San Nicolas: BOTICA SAN LUCAS tel. 5110

WIT-GELE KRUIS

Zr. Ewald - Zr. Perpetua, tel. 2200. JEUGDCENTRALE "LA SALLE" Dinsdag 9 februari 1960

POSTSLUITINGEN Dinsdag

Caracas 15.30, Curacao 10.00-16.00, Maracaibo 15.30, New York 8.00, Surinamo 16.00.

TAORO - PINEAPPLE juice

RADIO KELKBOOM

- 11:30 Opening 11:31 Musica Varia 12:00 Lunchmuziek 12:10 Noticia local na Pap. 12:25 Nieuwsberichten 12:45 Norte Americana 12:55 News in dutshel 1:00 Musica varia 1:30 Fin di transmision. 4:00 Rancheras 4:30 Noticia na Pap. (dokaal-polls y dep.) 4:45 Oektaal musical 5:00 Danzones cubanos 5:15 Un progr. cu Corlito i su conho 5:40 Alle Heits 6:00 Calypso 6:15 Umpile anjos feliz 6:30 Honderdziek. 7:00 Noticia na Pap. 7:15 Musica varia 7:30 Musica Hulandes 7:45 Nieuwsberichten 8:00 Norte Americana 8:15 Lagrimas de una madre 8:30 Musica cu Alfredo Sadel 8:45 Un progr. cu Celia Cruz 9:30 Peticiones 10:00 Sluiting.

RADIO VICTORIA

- 11:30 Apertura 11:45 E Mundo Femenino 12:00 Melodias di Merida 12:15 Ultimas Noticias 12:30 World News 12:45 Concert Hall 1:30 Sign Off 4:00 Musica di Banda 4:15 Ecanon Celestial 4:30 Cafe cu Musica 4:45 Waltzman Favorito 5:00 Academia del Aire 5:15 Palabranan di Bida 7:00 Noticia Hulandes 7:15 Klasiieke Muziek 7:45 The Bandstand 8:00 World News 8:15 Off the Record 8:30 Back To The Bible 8:30 Musica Gerns 8:50 Unshackled 10:15 Hymns that Live 10:30 Sign Off

RADIO CARCAS TELEVISION

- 8:20 Marcha Oficial, Himno Nacional 8:25 Informacion Sobre los Programas del Dia. 8:30 Pelicula 10:00 El Calendario de Mama 10:30 Cosas de Mujeres 11:15 Femenidades y la Perfecta Ama de Casa 11:56 Informacion Sobre los Programas del Dia. 12:00 Gran Show de las 12 1:15 Amal 1:30 El Imparcial TV 2:00 Cortos. 2:30 Club Femenino 3:00 Por el Ojo de la Cerradura 4:00 Estudio d e Hector Monteverde 4:30 Pelicula 6:00 El Show de Benny 7:15 El Tercer Hombre 7:30 No Diga Si, No Hija No. 8:00 El Observador Green. 8:15 El Precio de la Vida 8:30 Suspensio con Alfred Hitchcock 9:00 La Jaula de Oro 9:15 Cortos 9:30 El Concierto Firestone 10:00 Por el Mundo de la Cultura 10:30 Notic. es su Ley 12:00 Marcha oficial

KEES GROCERY N.V. TEL. 1079-1918

TOT STRAKS IN Trocadero

ODUBER & KAN INC.



E surtido mas grandi den BRIL DI SOLO Aruba Curacao

Pa un bril cu ta llama atencion di tur: SPRITZER \* FUHRMANN OPTICA ORANJESTAD TEL. 1320 SAN NICOLAS TEL. 5015 APARATONAN MODERNO PA SLIJP TUR GLAS

KILL FLIES A few short bursts of Pif Paf and flying insects drop down and out. at the touch of a button! NO FUSS... NO MESS... JUST PRESS MANSUR TRADING CO. Tel: 1050-1051

LOTERIA DI CCC-ARUBA CU LOT DI FLORIN


ORANJESTAD — Pa cubri e diferente gastunan e Central Carnaval Comite Aruba a organisa un loteria grandi...

REINAMAN DI CARNAVAL NA ARUBA TIN DOS CHENS!

ORANJESTAD — Conferencianan entre Central Carnivals Comite Aruba cu directiva di Aruba Caribbean Hotel...

Despues cu dia 26 di februari e reina di carnaval di Aruba pa 1960 a ser eliji gen Wilhelmina Stadion...

Di otro banda nos a worde informa cu despues di e parada grandi di carnaval a termina na Oranjestad dia 28 di februari...



E invitadonan na e recepcion di E.N.-N.E.N. den Aruba Caribbean Hotel diadomingo anochi a worde ricibi por dr. Stigter...

B. J. ARENDS y FAMILIA

Por este medio desea hacer llegar nuestro agradecimiento a todas aquellas personas que nos acompañaron...

RUFINA WEVER DE ARENDS

Aruba, Feb. 8, 1960.

AWE MAINTA pa 8 'or nos a REMATA PRIJS na PALAIS ORIENTAL ORANJESTAD - SAN NCOLAS NO PERDE TEMPO — TUR COS TA BULA.

E ENCANTADORA YVONNE pa TUYUCHI

Frita a sagudi su skouder diciendo: "Mi ta supone cu ta un sistema di nan esei. Nan lo quier meen cu nan ta manda den e luga ey y cu nan no ta permiti ningun otro hende denter di nan. Sin embargo e yiu dje notario...

y izquierda di dje. Tabatin luz tras di algun dje bentananan y e tabata mira com tranquilo e famianan tabata sinta na mesa huntu. Hembenan tabata sinta cu corant na nan, mientras muhecan tabata bashando thec of trahando obranan util di man.

Un momento e mucha muhe tabata sagudi e pensamiento di un ratu pasu quita foi dje, cual tabata hacie nervioso y ansia. Como tambe cu a wor e luznan di auto a paga por completo. Tabata como si fuera e auto a pasa den un otro hanchi...

to nocturno aqui pasobra e caja no tabatin iluminacion. Meimei dje arbolnan ainda tabata quda un calor di verano y Yvonne tabata sinti manera e tabata flotando y e zonido sturve dje motor tabata manera un cancion pa hiba hende sonja.

Qui encantadora tabata e sintimentu aqui cu su eubez contra lomba di Frits, un hoben bulente y decisivo cu tabata p'e un berdadera protector y sin embargo cu tabata toch asina mucha tin ora den asuntunan romantica...

mes. Y na mes tempir e mes tabata conciente tambe di su calidatnan. Ta quende e Lydia ei lo por ta anto? E Lydia cu a haci asina tantu influencia riba su vida? El a bisa cu e ta bai casa cu e. Pero el a bisa, esei cu e...

Y awor el a emmiza ta stima Yvonne. Y su amor no tabata locura, ni un cos pasahera. Esei Yvonne mes tambe a comprende. Com por ta posible cu e mucha muhe por a leza su sintimentunan manera ta door di dje e tabata mira? Com por ta posible cu Yvonne quende cu no tabata un mucha muhe facil pa conquista, y cu a perde asina tantu den vida y den amor...

riente aqui cu lo dura ainda poco dia y quizas solamente poco ora mas. Sia cu Yvonne mes tabata sa, lagrima a yena su wowonan y su curazon a bira moli y anchu di amor...

"Diripiente e mestey a garra su mes violentamente na Frits pa e no basha bao. E wihanan chiquito dje scouter a lastra cu masha boroto over dje caminda y el a tende un maldicion termpa. Danki Dios cu nan no tabata corre jiru s'ao lo nan a corre hai dal contra e auto cu tabata para dwars over dje caminda smal. Y como en luznan dje anto tabata paga e auto aqui tabata invisible p'e trafico cu tabata biniendo.

# EL CISCO KID

1. „Mi a mande leeuw.” 2. „Lagami bistiele su barba, prome...” 3. „Pa favor... boso por judanj hiba mi we-la hotel un rato?”



# JUAN EL INTREPIDO

1. „Tende Adan... bo sa eu gobierno tin prueba cu Ordway a mata su mes. Esun cu bo a mira den trein no t'ele.” „Mi vista ta masha bon, rumi... mi no tin euenta eu e „pruebanan”. 2. „Bo no ta bai dokter, Sabina? Ami ta keda cu Adan.” „B-bon, Juan...” „Bisa dokter cu mi kier bai.” 3. „Sea razonable, Adan... esun cu bo a mira por ta un „doppel” di Ordway. Tin hopi hende eu parece otro. Of podise bo ta cansa di trabau... „Abo timbe awor. Hazard?... Ya mi sabi... boso tin idea di lagami aki den eu mi alucionan.”



# DICK TRACY

1. „Bo kier bisami si e apartamento di Fifth ta keda mei mei e callan Western y Damon?” (silencio) 2. „E ta hiba den blok 7000” (silencio) 3. „Ata mas grabado aki, con ta eu bo Sam?” „Bon, Nos a elimina e aereonan Oost di Elm street y Noord di Brady.” 4. „Bo kier me encu Tracy por localiza e apartamento di Fifth, aunke Eddie keda absolutamente ketoe?” „Esci ta e idea, Lizz.”



# RIP KIRBY

1. „Te awor nos no por a hanja nada di capitán Doom. Dios laga bo pone Kirby pa nos banda, Linda.” „Mi sabi eu e ta bai tende di mi.” 2. „Anto kier mecu eu Mo Gaspar lo permiti yami lo por spikete nos problema, sr. Kirby?” „Cu mucho gusto, srta. Constance. Luga nos bai den e sala ey.” 3. Como mei mundo leeuw... „Mi a bin adverti boso nan... eu capitán Doom ta bin.” „Oh, no.”



# EL PRECIO DEL TRIUNFO

1. „Sr. Hutehins, ta parece cu bo motibu contra Dave Purdy awor, ta algo mas fuerte.” „Bo a hanja algo?” 2. „Dos nota riba su almanaque. E ta traha copia di fotostatos di nos campo petrolero cu nos tabata bay explora, y e la haci contacto eu un hende jama Dixie!” „Muhcr?” 3. „No! Mi a busea discretamente e nombenan di e henden di e Co. Northwood, esun eu a haci tur e verpaehing dilanti di nos! Nan tin un tipo importante jama Dixie! Su amigonan ta jamele Dixie!” „Ah si; mi a tende di dje! Purdy a hanja su retiro...”



# EL DIARIO DE UNA VIDA

1. „Nos tin tres guardia preso, senjor Gobernador. Bin aki y papia eu nos... sino, mi companjeronan ta bisa eu nan lo no responde pa e guardianan...” 2. Den e prison aki nos ta hanja nos malo... masha malo. Pesey nos quier a papia eu bo, senjor Gobernador. Concede nos un entrevistá!” 3. „Warda mi, capitán... Muy bien... nan por lagele pasa.”



# PEPITA

1. „Mi no sa quico a pasa mi! Mi stoma ta grunja!” 2. Lorenzo a hay den cushina y ta preparando un sandwich haltura di un bolo. 3. „Oh, no!” „Paquico no? Si mi stoma ta ranca 4. ...mi ta hay pene peso aden pa e no bula mas!”



## Bringamentu entre guardia nacional i trupanen revolucionario na San Jose

SAN JOSE, 8 februari. — Guardia nacional di Costa Rica a bringa 2 biaha siman pas, cu trupanen revolucionario di Nicaragua, asina e corant „La Nacion” a informa na San Jose. E bringamentunan a tuma luga den vecindario di Cuatro Boca den e provincia Guanacaste, na un distancia di 30 km for di e frontera entre Costa Rica y Nicaragua. E prome bringamentu a tuma luga diamars y e segundo dabiernes. E trupanen di Costa Rica a arresta 2 sergante y 2 solda. E trupanen revolucionario tabata bao di comando di Indalecio Pastora, di kende e corant ta publicando documentonan y cartanan.

## Protesta di federacion pan-chines na Peking

PEKING, 8 februari. — E federacion pan-chines di sindicatonan a protesta awe contra e intervencion militar di Merca na Sto. Domingo, asina e agencia chines comunista di prensa „China Nobo”, a informa.

E federacion di sindicatonan chinas a dirigi un mensahe na e federaacion di sindicatonan di Sur America y el a expresa „su indignacion” na nomber dje elase di obreronan di China Comunista pa motibu cu trupanen mericano a desembarca na Sto. Domingo, local e ta bisa ta un intervencion clar den e asunto interno dje pais ey y un obstaculo den e lucha di pueblo dominicano contra dictadura. E mensahe chinas ta exigi retirada inmediato dje trupanen mericano for di Sto. Domingo y e ta pidi e federacion di sindicatonan di Sur America, pa informa e obreronan dominicano dje mensahe.

## Declaracion di Nehru na asamblea priva

NUEVA DELHI, 8 februari. — Prome ministro Nehru di India a declara awe na un asamblea privada, di su simpatizadornan parlamentario na Nueva Delhi, eu India lo mester paga pa defensa pa motibu dje conflicto na frontera chine-indio. Un funcionario di partido a bisa eu Nehru a bisa tambe, cu en bista di e desarollonan reciente, su gobierno no por keda sin cumpra cierto equipo di defensa mas.

## Nombracion pa comision olimpico

DEN HAAG, 8 februari. — E comision olimpico hulandes a nombra e siguiente personanan pa representa Hulanda na e weganan olimpico di winter na Squaw Valley den kunstrijden (schaats) e campeon europeo Sjoukje Dijkstra y Joan Haanappel (coach: gerschwiller), hardrijden: Jan Pesman, Kees Broekman, Henk van der Grift, Jecn van den Berg y Wim de Graaff, Chef de mission: is. A. Paulen; chef d'equipe: Klaas Schenk; e equipo lo bai Merea via avion diamars anochi.

## Proceso di e ataque atomico na Hiroshima a cuminza

TOKIO, 8 februari. — Awe a cuminza na Tokio, despues di un preparacion di 5 anja, un proces cu 4 sobreviviente dje ataque atomico riba Hiroshima di 1945 a cuminza contra estado di Hapon, pa nan hanja pago di danjonan di perbuicio. Dos profesor hapones a wordo invita pa duna nan opinion tocante asuntunan di husticia internacional, cu lo worde discuti durante e proces.

**PETRONA & CROES**  
Dakota - tel. 1712-1639  
**Madera di tur sorto y den tur midi.**

**PUNTRA POLIS**  
Matroos sin uniform

ORANJESTAD, 5 febr. — Diarazon un habitante di Dakota ta informa polisnan cu banda di su cas tabatin un persona ta zwerf rond, y ora cu e la yega serca a baha na catuna. Despues e la bolbe mira e persona den Refresqueria La Fama. Ora cu polis a garra e tercio, ta resulta cu ta un matroos sin uniform (pero bisti cu panja di burger) di marina Braziliani di e tanquero „Sam Bras”. Defendiendo su mes e matroos ta bisa polisnan eu e la sconde su uniform den mondi y no por corda mas ta na unda. Spierito!

**Pelea**  
Ora cu polisnan a yega na Kaas di Patoma ya MFT y VNM a stop di bringa cuba. Si nan tabata bati di influencia di bebida ainda, pa tal motibu nan a worde hiba pa warda.

**E la bira malo**  
Diarazon despues di merdia nan ta informa polisnan cu un homber cu tabata sinta den un auto dilanti dje negoshi di Saladin di repente a sinti su curpa malo. Tabata M.A.L kende segun consejo di dokter Gottlieb a worde hospitaliza den San Pedro Hospital.

**Hanja y perde**  
Stefanita Winterdaal di Cashero 51 a perde tres pida biljechi no. 06503. F. J. Oudebrink di Klipstraat 2 a hanja un rosario pretu.

**El a ataca polis cu cuchu**

ORANJESTAD, 6 febr. — Diahuebs anochi pa mas o menos diez 'or mama di J.d.C. cu ta biba na Seroc Blancoe a pidi asistencia di polis pa su jiu stima „burachi” cu tabata kimando diferente cos di cas. Ya tabatin vlamnan caba den curra di cas. Brandweer a bai urgentemente y ponkendo man na obra nan por a evita peor. Ora cu durante e pagamentu di candela un dje mironesnan presente ta endica polis 2de klasse A.C. cu e culpable ta hinka entre e grupo di hendenan, e polis aki inmediatamente a bai en busca di e tercio, pa hasiele algun pregunta. Apenas e la dirigi algun palabra na J.d.C. cu esaki a saca un cuchu y bula riba e polis. E polis tabata bathu suerte, e intento a keda limita na un schram so. Pero e fenomeno so caba, cu un polis; cu ta cumpliendo cu su deber nada mas, worde ataca di tal manera, ta grave y esel J.d.C. lo experimenta na su debito tempo, mientras tanto e ta patras di trail caba.

**Pelea formal den Ooststraat**

Diabierna mainta treman tabatin un pelea den Ooststraat na unda e dama N.I.A. no tabata di acuerdo mas cu un tal senjor G.A.L. Ta parse cu e senjorita A a worde menaza te hasta den su propio cas. Den un forma cu e la grita duro pa auxilio y pronto A.R.D. y J.C.d.A. a corre yega serca. Ora D. kier a interveni e orcan a rementa, cuchu y piedra tabata spat den rond. Polis a hiba L. warda y a conseha e otro dos senjornan pa informa dje caso na recherche.

**Hanja y perde**

Jose Wever di Brasil 78 a perde fl. 100.— den vecindario di Brasil. Pedro Trimon cu ta biba na Tanki Leendert 177 a hanja un yabi switch di auto Ford abou na un mascotte bruin banda di kliegveid

**ODUBER & KAN**  
INC.  
E surtido mas grandi den **BRIL DI SOLO**  
Aruba Curacao

## HOROSCOOP di awe

**ARIESNAN**  
21 Maart — 20 Anril  
Bo por haci desarollo cu trabao cu a queda para y tambe solucionamento di problemanan. Investigacion y estudio ta priminti resultado valeroso.

**TAURISNAN**  
21 April — 21 Mei  
Tin un acento fuerte riba interes di partner matrimonial of concocinan. Sea dispuesto na du-na cooperacion. Busca dibernon, pasobra quizas bo ta haci necesidad di simpatica.

**GEMINIANAN**  
22 Mei — 21 Juni  
Bo ta hanja ocasion na trabao pa aumenta bo popularidad. Y tambe di cosecha aprecio. Nan ta ponc tino riba bo y bo por haci bon uso di esaki na bo propio interes. Bo ta logra bon resultado nan.

**CANCERNAN**  
22 Juni — 23 Juli  
door di investiga debnan y demas asuntunan di familia. Trata na aumenta bo entrada nan, ganashi, pa medio di partnernan.

**LEONAN**  
24 Juli — 23 Augustus  
Bo por confia riba noticia agradable y bon comprension di otro nan, basta cu bo pone acento riba cooperacion. Anochi di bo logra exito bao di hendenan.

**VIRGONAN**  
24 Augustus — 23 September  
Participacionnan di fuentenan di informacion por ta di interes na bo conveniencia. Paga bo atencion na plannan di porvenir, tambe na asuntunan na un distancia, asuntunan di personanan queri y personanan hoben.

**LIBRANAN**  
24 September — 23 October  
Na un banera agil bo por alza bo prestigio cerea chef y colega nan. Influencianan favorabel ta priminti noticia agradable. Yuda otro nan te caminda cu bo por.

**SCORPIONAN**  
24 October — 22 November  
Haci bon uso dje circunstancianan cu ta pone bo na estado di paga atencion na interesnan preferi, casonan di personanan queri y micanan. Ta spera noticia favorabel.

**SAGITARIUSNAN**  
23 November — 21 December  
Bo ta haciendo desarollonan satisfactorio na esfuersonan pa solucionacion problema di dificultadnan, fortifica bo posicion na cas of na trabao.

**CAPRICORNUSNAN**  
22 December — 20 Januari  
Discusion cu amigonan facilmente por tira luz riba diferente caso. Haci bo posible pa bo termina tur asunto dje correspondencia cu a queda para. Dreccha bo relacion cu otro nan. Un viaje corto por duna bo resultado.

**ACUARIUSNAN**  
21 Januari — 19 Februari  
Trata awor na logra adelanto den casonan di placa y cosnan financiero. Bon aspectonan ta yuda bo na tuma e pasonan mas exacto. Cumpra y bende, tur transaccion ta goza di apoyo.

**PISAN**  
20 Februari — 20 Maart  
Principalmente parti di anochi bo ta logra haci desarollo eu asuntunan priva cu ta di interes riba termino largu. Den dia noticianan ta masha favorabel.

## COLISION KAREL DOORMAN — FRANS ELZA



Conseho di Marina a tene un sesion dia mars na La Haya den e caso di colision entre Hr. Ms. Vlieg-kampschip „Karel Doorman” i e barcu di piscado „Frans Elza” riba dia 25 di september 1959 den bocht aleman. Comandant di Karel Doorman Kapitein ter Zee J.G. Stegeman ta ser Interroga aqui pa e conseho. Dilanti e testigunan selente, algun macuto di pesca i ruinanan dje barcu di piscado.